

Plenchi

Bèl a bati

Bèlèm bèlèm ata skol a habri atrobe despues di un fakansi kòrtiku pa tur hende por relahá nan mente kue rosea pa dal bai full speed ku skol. Diferente skol a selebrá siman di kultura, kada un na nan manera. Dia di dosente tambe a kai den fakansi, pero tòg diferente dosente a aseptá nos invitashon i nan a bin wak un sine ku nos na Cinemark. Danki di kurason na Cinemark pa e gesto bunita.

Nos tin algun potret pa boso haña un bista di e ambiente ku tabata reina. Falta solamente 10 siman pa nos yama 2015 ayo. Ta asina aña ta bulando, anto tin hopi kos di hasi ainda. Korda plania den tur bo aktividatnan momento pa bo por disfrutá di bo famia i amigunan. Korda kuida bo salu i kome balansá i salu. Tur loke bo hasi ku bo kurpa awe bo ta kosechá despues. Ta un kurpa so bo tin i un bida, bai kouteloso i kuide ku amor i gradesimento.

Pasa un fin di siman plasentero, nos ta kontentu di por a topabu awe trobe riba nos plenchi di skol.

Orashon

Tata di amor, danki pa regalami bida.

Tata di amor, danki pa regalami famia i amigu, bestia i mata pa yena mi bida.

Tata di amor, danki pa yena mi kurason ku amor i gratitut pa tur e regalonan risibí serka bo.

Tata di amor, danki pa siñami pordoná otronan, i danki pa bo pordon i miserikordia.

Tata di amor danki pa bo amor inkondishonal.

Not'é riba bòrchi

Na Kolegio Maria Auxiladora dentista Thea Bierman a duna tremendo informashon na alumnonan.



Danki na dentista Thea Bierman pa e fantástiko presentashon i splikashon na nos alumnonan di grupo 1-2

Den agènda

Fakansi

21 desèmber 2015 pa 3 yanuari 2016

Riba rapòrt

Nos ke yama danki un biaha mas na tur nos dosentenan pa nan amor i dedikashon pa nos hóbenan. Nos ta kontentu ku tur ku a akudí na Cinemark a keda kontentu ku e gesto brindá na nan. E sine tabata bunita i a pone hopi hari pero tambe a soru pa algun awa di wowo aki aya. Ta esei ta bida tin tristesa pero tin alegria.



Dia di dosente na Cinemark



Dosentenan kontentu riba nan dia di dosente.



Orguyoso di ta dosente, nan ta pose riba nan dia.

Mi ta konta

Amor lubidá.

Riba un dia, tur sentimentu i emoshon a disidí di bai disfrutá di un fakansi. Nan a bai huntu riba un isla leu pa nan por disfrutá plenamente. Despues ku nan a relahá pa 2 siman, mal tempu a aserká.

No a tarda ku nan a haña anunsio ku tur hende mester evakuá e isla aki. Mesora tur a kuminsá buska un boto pa nan por yega bèk nan kas.

Amor no tabatin purá pa bai mesora, el a keda hasi su loke e por hasi bon te ultimo momento. Ora el a mira ku tempu no ta na su favor mas, el a mira ku ya no tabatin boto bashí mas. El a pensa ku esei por keda solushoná paso tin basta boto ku no tabata kompletamente yen, un kabe'i boto el a mira komo un posibilidat realístiko.

Parando na kosta el a mira prosperidat ta pasa den su yate grandi i luhoso. "Prosperidat mi por bai ku bo?" el a grita.

Prosperidat a kontestá: "Mi no tin lugá pa bo, mi tin tur mi kosnan di oro, diamanta i mas kosnan di balor ku mi no tin lugá pa bo."

Pero Amor no a perde speransa. EL a mira orguyo ta pasa den su boto masha bunita. "Orguyo mi por haña un kab'ei boto serka bo?"

Orguyo a respondé: "Dios libra, pa bo shusha mi boto ku bo pia tur na lodo?"

Tristesia a pasa i e tambe a ninga na duna Amor un kabe'i boto bisando: "Mi mester ta mi so, mi ta tristu i mi no ke mira niun hende rondó di mi."

Felisidat tampoko a respondé riba yamada di Amor. Felisidat tabata asina kontentu ku e no tabatin bista ni oidu pa niun hende rònt di dje. E no a ni mira ku Amor ta yamé.“

Amor a bira tur nervioso paso e no por a haña niun boto i tempu tabata empeorando.

Pero direpiente el a tende un grito: Amor, amor, bin subi den mi boto mi ta hibabu bèk.”.

Amor a bula den e boto kontentu i a yega saif bèk na tera. Ora Amor a baha for di e boto el a topa Konosementu. Tur konfundí Amor a puntré: “Konosementu, bo sa ken tabata asina generoso pa dunami un kabe’i boto despues ku tur otro hende a ningami”.

Konosementu a kontesté: “oh esei ta Tempu”.

“Pero Konosementu, dikon e si a tuma e molester pa stòp i hibami seif bèk.”

Ku sabiduria Konosementu a kontestá: “Paso ta tempu so konosé bo balor i tur loke bo ta kapas di hasi. Tempu si sa ku ta abo, Amor, por trese pas i felisidat berdadero na mundu.”

E mensahe:

Ora nos ta prosperá nos ta neglighá amor.

Ora nos ta sinti nos mes importante, nos ta lubidá amor.

Hasta den tempu di tristesa i felisidat, nos ta lubidá amor.

Tempu so ta laga nos realisá e importansha di amor. Tuma e desishon i hasi amor parti di bo bida diario, den bon i den malu.

Mucha djispou

Jeffrey tabata felis ku porfin e por a tuma un fakansi pa deskansá. Ora su avion a baha el a drenta den e terminal kontentu pa pasa imigrashon pa despues e buska su maleta. El a para warda mas ku 1 ora, tur hende a haña maleta te nan a bai nan destinashon, pero Jeffrey ketu bai no a mira su maleta. El a keda dirihi na un kantor kaminda e por a hasi su reklamo di maleta.

Jeffrey: “Mi yega for di Kòrsou ku Zumba Air dos ora pasá, pero mi no a haña mi maleta.”

Yufrou: “Mener no wòri, mi ta profeshonal den mi trabou. Un par di pregunta so anto nos ta solushoná e problema. Mener su buelo a baha kaba?”